



Ifa usun ai upwe tongeni tumunu pwe ra kan rongorong ai pekin ren ewe poraus?

- Kopwe angangen tipeew me pwan ngeni ewe caseworker iten me pwan porausen koko ren aramas kena ina ra tongeni awora apachenongen poraus. Maaken amumuta repwene mochen non ekkoch case kena.
- Mutanong ewe caseworker non imwom pwe ir repwene kan eochuno ne weweiti ususumuwe.
- Fiti meinsin mwich kena ren foritan kapas usun ewe case ika noum kewe semirit.
- Eis kapaseis kena usun ewe ofor me pwan met ka tongeni fori.
- Kopwe tumunu pwe kopwe uwano noum kewe semirit ngeni ekkena appointments ika chon sinenap kena nupwen ra tungoreno.
- Kopwe tumunu pwe ewe caseworker a kan sinei minafon ekkena siwin usun chok address, minafon aramas a kan nonom non ewe imw, ika minafon porausen koko.
- Eis usun nenien angaiin aninis kena. Non ekkoch county kena, chon aninisin sam me in kena ra kan kaworeno ren ar repwe anisuk nupwen ewe chosa.
- Asinei ngeni ewe caseworker usun pwan ekkoch aramas kena ir ra sinei usun ewe ususun. Ewe chomongenon poraus ewe caseworker a angei a ewe eochunon ar repwene tongeni fori ew finata.



Io upwe kekkeri ika e wor mefie ika use weweiti ren ai ei keis?

Ika pwe a kan wor eom nanengaw ika nonineng, iwe koche moche kori noumuwe caseworker ika nour minap.

Ika pwe eom kewe nonineng rese chuen chok oforuno, iwe en ka tongeni kori noum ewe Minapen Non ewe Unusen Neni non nenieom.

En ka tongeni kori ewe Ofesin ren Amwokutunon aramas non 1-800-723-4831 ren aninis non fansoun ese nifinifin -ika-

En ka tongeni kori ewe Office ren ewe Family & Children's Ombuds' non 1-800-571-7321.

**Ei ofes a kan eimuno seni DCYF. A kan chosani nonineng kena usun DCYF.*

Ika pwe en ka mochen kapii kena ren ei taropwe non ew asiwinin maaken ika fosun fonu, iwe kose mochen kori DCYF Constituent Relations (DCYF Nefnen Choon Ei Neni) (1-800-723-4831 | 360-902-8060, ConstRelations@dcyf.wa.gov).

Chosan Angangen Aninisin Tumunun Semirit kena (CPS)

Iseni Semirit non Tumun nupwen Apechakunanon Family kena



Washington State Department of
CHILDREN, YOUTH & FAMILIES



Meta ei ew Chosan CPS?

Ew Chosan CPS a kan ew ponu ngeni ew tipingeni pwe emon semirit a kan riafouno ren kawet ika tumunungaw. A kan ew tichikinon me pwan fichinon oforun ren ar repwe kao ekkewe pungun poraus arun ika pwe kawet, tumunungaw, ika poutunon semirit a kan fisino, ifa usun are ika ei a uwanong ekkewe semirit non ngawenon ren kawaten me pwan tumunungawenon non mwach kaan, me pwan ika ekkewe semirit ra kan tumununo. Ei a kan awasino seni kapaseis kena me pwan kapaseis fengen seni ew sakopaten nenien angaiin aninis kena mei fich ngenir.

Pwata uwa angei ew chosa?

- Ewe Department of Children, Youth, and Families (Ofesin ren Semirit, Eonuwun me Family kena, DCYF) a angei ew repot fiti nonineng kena usun tumunun noum kewe semirit.
- Ewe repot a tori ewe awewen non annuk ren kawaten semirit me pwan tumunungaw (RCW 26.44.020).
- Ewe repot a pwarano pwe ekkewe tipingeni ra kan seni nukonapen tekia ika tekianon ngawen ika ina meni a kan wor mutirin feiengaw ngeni noumuwe semirit.
- DCYF a mochen angang fengen fituk ne iseni noum kewe semirit non tumun.

Meta ewe awewen ren Kawaten me pwan Tumunungawen Semirit?

Kawaten semirit ika tumunungaw a wewen pwe ewe feiengaw, kawaten nisouu, ika oforingawen nisouu ren emon semirit seni emon ekkena aramas me fan sakkun kena ina a kan asisinata pwe pechakunen ewe semirit we, menauwen, ika tumunun a kan afeiengaweno, ika ewe oforun tumunungawen ika oforungawenon ren emon semirit. Nengeni Chapter 110-30 WAC ren chomong tichikin kena ra kaworeno online non <https://apps.leg.wa.gov/WAC/default.aspx?cite=110-30&full=true>.

Met kopwene ekkieki pwe kopwe sinei seni ewe Chosa?

- DCYF a kan fokkun anomota ewe mwichen family me pwan angangenon ren an epwe iseni ekkewe semirit non imwer ika pwe ir repwene chuen chok tongeni nonom ikewe non tumun. Ewe tumunun ren ewe semirit a kan ewe aewin tekian auchean me pwan ewe caseworker epwene angangfichi ngenuk ren an epwe kuuna ew sakkun repwe tongeni iseni noumuwe semirit non tumun non imwomuwe, ika pwe meinisin a kan tufichino.
- En me pwan noum kewe semirit aupwene kan tumunueochuno me pwan fiti sufenu non fansoun meinisin.
- Ren emon sam me in, chon tumunu seni annuk, ika a kan ofor ngonuk eom kopwene kapaseis fengenino pwe ew pekin ren ewe chosa.
- Seni annuk, semirit kena repwene kapaseis fengen me pwan sasing kena repwene fichi, pwe pekin ren ewe chosa, nge esapw wor eom amumuta. Semirit kena a wor ar pung ren ar repwe angei pwan emon aramas ir ra finata epwe nom nupwen ar kapaseis fengen.
- Poraus epwene ionano seni rekoto kena ra angei me pwan fori kapaseis fengen fiti ew sakopaten chon kokorir kena mei auchea.
- Nupwen a kan wor ew masowen seni katan annuk ngeni ewe tipingeni, iwe ewe chon chosan CPS epwene achufengen fiti chon apechakuna annuk ren ar repwe akisano ewe wukukun ren forisefanin ionin poraus.
- Angangen aninis kena epwene kaworeno ren ar repwe ofor ngeni mochenin eom family kena, akisano ngawen me pwan noninengin tumun kena, ika eomuwe case epwene amweteno ngeni Family Voluntary Services (FVS) ren ar repwe nenengeni.

Meta ekkewe ra kuuna?

Tipingeni kena epwene "Kuunaieno" ika "Ese Kuunaieno". Ew Kuunaienon met ra kuuna a wewen pwe, anongonong won poraus a kaworeno, a kan napeno fichin seni esapw pwe kawaten ika tumunungawen semirit a kan fis. Ese Kuunaieno a wewen pwe, anongonong won poraus a kaworeno, a kan napeno fichin seni esapw pwe kawaten ika tumunungawen semirit ese kan fis ika nafenon pwarata ren ar repwe finata ika ewe tipingeni a kan ika ese kan fis ese kan kaworeno.

Ifa usun ai upwene sinei usun ewe kuuna?

Echo taropwe epwene titiwow ren an epwene asinei ngonuk ren ewe kuuna? Ika pwe ewe kuuna a kan kuunaieno, ewe taropwe epwene erenuk ifa usun eom kopwene appealeni ewe kuuna? Ei appeal epwene kan tori ewe ofesin DCYF me non 30 ran seni eom angei ekkewe taropwen kuuna ika ekkewe kuuna repwene kan saingono. Tumunu pwe ika pwe ka mwokut ewe caseworker a sinei eomuwe minafon address.

Ifa usun an ew kuunaienon kuuna a tongeni angawa ngeniei?

Kuunaienon kuuna kena ra kan iseiseno non amwoneno non ewe DCYF computer system. Ir ra tongeni nounou ren ekkewe popun ra tapweto:

- Pwarata non oforun kapung kena usun noum kewe semirit.
- Finata ika en ka tongeni angangenon, laisenino, ika volunteer ngeni tumun ren semirit me pwan aramas watte kena mei apwangepwang.
- Porausen me mwan, non ewe attun ren tipingeni kena non mwach kaan.
- Finata ika en ka kan nafeno ren iseisenongen ren emon aramasen ika mararin semirit ina a etinong non tumun.

